

خطة إبليس لتدميرك بعد الهداية احترس - م/ علاء حامد

علاء حامد

ان الشيطان لكم عدو فاتخذوه عدوا. مشكلة ثانية بتحصل بعد رمضان بعد رمضان يحصل اه لكل واحد فينا انتكاسة جزئية انا لما اقول كلمة انتكاسة دي لازم تفهم منها حاجة. انا قصدي بانتكاسة فعل محرم او ترك واجب - [00:00:00](#)
انا ما بتكلمش دلوقتي عن مستحبات قلت. ولا مكروهات حصلت. لأ. ده موضوع ثاني هتكلم عنه في نقطة مستقلة. لكن انا بتكلم عن واجب ترك او محرم فعل. دي اسمنت كاسة عندي. لكن مستحب قال لي دي مش انتكاسة. مكروه فعل دي مش انتكاسة. ده فتور.

فتور - [00:00:25](#)

لكن اللانتكاسة امر اكبر من الفتور. امر اكبر من الفتور. اللانتكاسة انك انت كان فيه واجب بتعمله. كنت بتصلي الفجر مش هتصلي الفجر محرم رجعت له كنت بطلت تليفزيون ومسلسلات رجعت لهم بطلت الاغاني رجعت لها. بطلت بنات رجعت تكلمهم وبطلت

العادة السرية عملتها - [00:00:45](#)

ده اسمه انتكاسة. بيحصل حصل بعد رمضان. ايه المشكلة؟ المشكلة اللي بتحصل لما انت بتبقى برضو غافل عن عداوة الشيطان تبتدي انت تاخذ قرارات فاكرا ان انت اللي واخدها والحقيقة ان الشيطان هو اللي ملها لك. ايه هي القرارات ديت؟ قرار انك انت بعد

رمضان كان معك اسلحة - [00:01:04](#)

كتير صلي فجر وازكار وبتحضر دروس في المسجد وبدأت تحفز قرآن اسلحة كتير وتركت بقى تركت كمية كبيرة من المحرمات الغناء البنات تليفزيون بطلت مش عارف ايه خلاص. بعد رمضان حصل لك انت كذا جزئية. يعني ايه رجعت لمعصية واحدة؟ او تركت

واجب واحد. مسلا ما بقتش بتصلي الفجر - [00:01:24](#)

وفي نفس الوقت رجعت العادة السرية على سبيل المثال ايه اللي بيحصل؟ اللي بيحصل ان انك انت تبتدي تنهزم نفسيا ادي المصيبة بقى اللي بتحصل فبعد رمضان. تنهزم نفسيا وتبتدي تسلم طواعية. مجموعة اخرى من الاسلحة. يعني واحد راجعة للبنات او

راجعة للعادة او كده - [00:01:44](#)

يبتدي يقول انا ما فيش فايده. رمضان نفسه ما عملش معي حاجة. ما فيش امل. انا السكة دي مش بتاعتني. وبعد كده يبجي ينزل يصلي الفجر تنزل تصلي الفجر ايه؟ انت مش يعني مش مكسوف على دمك؟ طب بطل اللي انت بتعمله الاول. يعني بطل اللي انت

بتعبه ده الاول وبعد كده انزل صلي في المسجد خلي عندك دم يعني. واخذ بالك - [00:02:04](#)

فيبتيدي صاحبنا اختيارا. هو على فكرة الشيطان ما كنش قادر على صلاة الفجر دي لوحدها. فيروح بمزاجه ما ينزلش يصلي في مسجد. بمزاجه هو يقدر يصلي. بس هو ما نزلش لان هو - [00:02:24](#)

شايف ان هو ما ينفعش يصلي في المسجد. لان انا بعمل عادة سرية. ازاي؟ ازاي انا كده منافق؟ انا كده منافق صح؟ اه ده انت كده منافق. الشيطان مش عايزك تبقى منافق ما شاء الله. فيقرر انك انت انت تقرر ان انت ما تنزلش تصلي - [00:02:34](#)

تقرر ان انت ما تروحش تحفز قرآن لكن انت ماشي مع بنت ازي انا ماشي مع بنت واروح احفز قرآن. خلاص انا مش هاروح احفز قرآن. هو ده القرار اللي انت طلعت به. مش قرار انك تقطع على البنت لأ. القرار انك - [00:02:50](#)

انت تبطل تحفز قرآن. الثانية دي الشيطان ما كانش قادر عليها. هو قدر على الاولانية ان دي شهوة وبتاع. لكن الثانية دي كانت صعبة عليه. انت اديتها له بمزاجك. ليه؟ تمام - [00:03:03](#)

فهي دي المشكلة انك انت تبتدي تاخذ قرارات مع نفسك معتبر ان ديت قرارات سليمة ان انا لما ابقى كويس هرجع نبتدي بقى ممكن

لو هو ملتحي يخفف لحيته او يحلقها. علشان يقول انا ما بقتش نموزج كويس. انا لازم لما ابقى كويس هرجع تاني. ما تعرفش ازاى ابقى كويس وانت بتنبيل الدنيا اكرر - [00:03:13](#)

من اللازم. نقول ان انت ما تغفلش ان اللي انت قراراتك دي كلها انما املتيت عليك املاء من الشيطان. وده يدل على غفلتك عن عداوة الشيطان تماما. الامر الذي ينبغي - [00:03:33](#)

ان تفعلوا عندما يحصل ذلك عدة خطوات. الامر الاول اسبت. يعني ايه اسبت؟ اسبت على الموجود عادي انا رجعت لمعصية معينة مش قادر ابطلها انا رجعت لها خلاص خلاص كفاية كده - [00:03:43](#)

اقف هنا ما تزودش اكرر من كده يعني هي كده. طيب يعني انا رجعت مسلا للبنت عادي ارجع وروح المسجد وروح درس القرآن وروح التحفيز عادي. اقعد على القهوة وقم من على القهوة رح صل في المسجد وارجع القهوة تاني. احسن ما انك انت ما تروح - [00:03:58](#)

صل خالص. المتاح حافظ عليه لان لو كل واحد بيعمل معصية قرر ان هو يبطل طاعات ما كانش زمني انا قاعد دلوقتي باديكم الدرس. كان زمني قررت انا ما ينفعش ادي درس انا ادي درس - [00:04:16](#)
ده انا اكرر واحد عندي فطور. انا ادي درس عن الانتكاس انا عارف اللي فيها. ما كانش زمني جيت اديت الدرس. لكن انا بدي الدرس لي ولكم. ويمكن ربنا لو قابل - [00:04:30](#)

ان الدرس ده يرجعني تاني لي انا نفسي ارجع له واللي انتم مش عارفينه. لو كل واحد فينا ساب الطاعات بسبب ان هو راجع لمعصية ما كانش زمان حد عمل خير ابدا - [00:04:40](#)

لان هي كلنا اصحاب زنوب ومعاصي. يبقى انا عايزك نمرة واحد حافظ على المتاح. حافظ على المتاح. ما تسلمش اسلحة اكرر من كده. كفاية اللي اتاخذ منك. كفاية اللي منك. نمرة اتنين انا كل ده مش هاجي جنب الايه؟ جنب المعصية اللي حصلت. نمرة اتنين - [00:04:50](#)

انا عايز نمرة المراحل دي بتفكرني بقصة جميلة. كان في مرة حرامي ايام السلف عادي. حرامي. المهم الحرامي دوت كان بيخش يصلي في المسجد. هم الناس كلهم عارفين ان هو حرامي. وكان ان شاء الله صف اول وبتاع وتكبيره احرام مية مية. فكان الناس بقى كل ما يشوفوه يقطعوه بقى. يقولون لص وتصلي - [00:05:06](#)

لص وتصلي عايزين نقولوا ايه بدل ما يقولوا بطل سيرة بيقولوا له بطل ايه؟ ما في ناس ما تفهمش. قالوا لص وتصلي وقال اترك بيني وبين الله بابا مفتوحا لعلي ارجع. يا اخي انت عايز تقفل كمان حتى الباب اللي بيني وبين ربنا! طب سبني اصلي. يمكن - [00:05:26](#)

ارجع هي كده انت بتحافظ على المتاح ليه؟ يمكن ترجع يمكن ترجع. نمرة اتنين نمرة اتنين بعد المحافظة على المتاح هات اسلحة تانية تانية. يعني ما تقعدش تعند في الحتة دي. خلاص انت وقعت فيها. ماشي. سبها. رح تعال من ناحية تانية. تعال جهات اسلحة تانية. بمعنى في عبادات - [00:05:46](#)

انت ما عندكش مشكلة معها زودها بمعنى انت قيام الليل بالنسبة لك مش صعب. زود قيام الليل قصاد العادة السرية قصاد البنات قصاد السجارة قصاد القهوة. دي قصاد ايه؟ دي - [00:06:09](#)

فوت قيام ليل. زود صدقة سر. زود بر والدين. شف ازي في الطريق شيله. يمكن ربنا يشكر لك ويطلعك من الايه؟ من المشكلة اللي انت مش عارف تحلها. ساعد يتيم. اعمل معروف في ناس. اقف مع واحد محتاج في ازمة - [00:06:23](#)

وكل ما تعمل عمل صالح من دول ادعي ربنا قل يا رب طلعي من التانية. يمكن ربنا يشكر لك في واحدة منهم فيعود الشكر ده على الايه المعصية اللي انت مش عارف تبطلها اللي انت وقعت فيها ومش عارف تطلع منها الى الان. فيبقى اذا انك انت تكثر من الاسلحة الاخرى الاخرى. يعني انت خلاص - [00:06:40](#)

خد منك سلاح حافظ على الاسلحة الموجودة واشتري اسلحة ايه؟ جديدة مختلفة تماما عن الاسلحة اللي بتاخذ منك لان انت اللي

00:07:00 - الحاجة - انت مش عارف ترجعه تاني.

التالته استعن باخوانك. استعن باخوانك. رح قل للناس عادي. ما تبقاش لوحداك. عشان الناس شايفينك. الاخ تمام. الاخ تمام الله ينور الله ينور بعد كده مرة واحدة اختفى. رايح فين؟ اتاريه هو بيقع من زمان بس هو عمره ما اتكلم ولا اشتكى. مش عيب انك انت تخبر

00:07:10 - بعض اخوانك بمشكلك. وتطلب منهم النصيحة. تطلب منهم يساعدوك -

00:07:30 - يمكن واحد فيهم يقول لك كلمة تنقذك يمكن واحد فيهم يقول لك نصيحة يعني تفرق معك في حياتك كتير -